

臣王先謙撰集

孝謙天皇

唐書日本傳聖武死女孝明立改元曰天平勝寶

宋史日本傳次孝明天皇聖武天皇之女也年代紀

案日本諸史無孝明之稱此記載之誤

日本史孝謙天皇諱阿倍初稱高野姬聖武女也母皇后藤原氏  
右大臣不比等女以養老二年生焉為內親王封一千戶天平十  
年正月立為皇太子二十一年七月甲午受禪即位於太極殿時  
年三十五左大臣橘諸兄右大臣藤原豐成並如故改元天平勝  
寶元年九月制紫微中臺官位和漢年契詔禁殺生賜僧行基菩  
薩號

庚九 天平勝寶二年日本史九月以從四位下藤原清河為遣唐

大使從五位下大伴古麻呂為副冬十月改葬元正

卯 辛十 天平勝寶三年日本史冬十一月丙戌以從四位上吉備真

備為遣唐副使始置常樂會

辰 壬十 天平勝寶四年日本史夏四月幸東大寺慶盧舍那佛大像

百官儀衛一同元會召僧一萬設齋會奏舞樂法會之盛前此未

有比也

宋史日本傳天平勝寶四年當天寶中遣使及僧入唐求內外經

教及傳戒年代

癸二十 天平勝寶五年日本史秋九月攝津大風海溢壞廬舍民多

漂沒賑恤之

甲十 天平勝寶六年日本史春正月幸東大寺然燈二萬大伴古

麻呂還自唐二月敕太宰府天平七年故大貳小野老遣高橋牛

養於南島樹脾而經年朽壞令宜依舊修之每脾顯表島名及泊

船處有水處去就行程令漂著之船知所歸向夏四月幸東大寺

受菩薩戒冬十月禁官人百姓會集雙陸

乙未 天平勝寶七歲日本史春正月敕改年為歲

冊府元龜天寶十四載日本國遣使貢獻

案十四蓋十一之誤

丙 兩肅宗至 天平勝寶八歲日本史五月乙卯太上天皇崩遺詔以

中務卿道祖王為皇太子天武孫新田部親王子王申葬聖武丙子以僧法

榮侍聖武醫藥有勞復其所生本郡丁丑禪師侍先帝病者一百

二十六人免當戶課役六月庚寅詔天下始自今日至來年五月

三十日禁斷殺生壬辰詔曰頃者分遣使工檢催諸國佛像兼造

殿塔宜會來年忌日然佛法以慈爲先不應因此辛苦百姓國司使工有稱朕意特加褒賞甲辰始築怡土城敕六道諸國造東大寺大佛殿步廊秋八月施近江國朝書法一百卷於崇福寺

丁酉天平寶字元年日本史春三月寢殿承塵有文自生曰天下太平敕召親王及羣臣視瑞字廢皇太子夏四月辛巳立大炊王爲皇太子詔曰國以君爲主以儲爲固是以先帝遺詔立道祖王爲皇太子而諒闇未終陵土未乾暱狎頑童居喪無禮機密之事皆漏民間雖屢教敕無有悛心好用婦言稍多很戾潛出東宮乘夜微行自云爲人拙愚不堪承重故朕廢之立大炊王躬自乞三寶禱神明政之善惡願示徵驗於是朕所居承塵見天下太平之字斯乃上天所佑神明所標覽古檢往所未見聞方知佛法僧寶先記國家太平天地諸神豫示瑞字朕感此麻苜誠實感聖德士庶共奉天貺洗滌舊瑕與眾更始可大赦天下其天下百姓成童入輕徭弱冠當正役愍其勞苦用軫於懷自今以後以十八爲中男二十二以上爲正丁古者治國安民必以孝理百行之本莫先於茲宜令天下家藏孝經一本精勤誦習百姓有孝行著聞者所由長官錄名薦之其有不孝不恭不友不順者配陸奧桃生出羽小勝以清風俗又有高臥潁川遁跡箕山者宜爲朕代之巢許以禮存問放令養性天下鰥寡孤獨篤癯廢疾者量爲賑恤高麗百濟新羅人慕化來附志願賜姓者聽之於是百官上表以賀瑞字五月辛亥以改修大宮遷御田村宮乙卯復置能登安房和泉等國丁卯始置紫微內相以大納言藤原仲麻呂爲之日本國志以美姿容見寵遂由大納言爲紫微內相又藤原仲滿聽其譖廢皇太子忌宗室大臣多遭殺戮 敕有司施行藤原不

聽其譖廢皇太子忌宗室大臣多遭殺戮

三

比等所刊修律令秋七月庚戌左大辨橘柰良麻呂謀廢立事覺  
下獄捕其黨黃文王道祖王安宿王皆伏誅八月甲午敕曰朕以  
寡薄忝繼洪基君臨八方於茲九載曾無善政日夜憂思危若臨  
淵慎如履冰去三月二十日皇天賜我以天下太平四字表區宇  
之安寧示歷數之永固然賊臣廢太子道祖及安宿黃文橘柰良  
麻呂等稟性兇頑昏迷悖虐不顧君臣之道不畏幽顯之資潛結  
逆徒謀傾宗社悉受天責咸伏其罪二叔流言遂輟蕭牆四凶羣  
類遠放邊裔京師清肅朝堂晏靜竊恐德非虞舜運屬時艱武慙  
殷湯任當撥亂晝思夜想廢寢與食爰得駿河國益頭郡人金刺  
舍人麻自獻蠶成字其文曰五月八日開下帝釋標知天王命百  
年息國內卽下羣臣議僉曰五月八日是爲太上天皇周忌設齋  
海國之終日也帝釋感誠不監勝業以授百王之禮期正祀勝疏  
蠅馬吻而不相爭生長室中衣被天下故使神蟲成字用表神異  
自天祐之吉无不利豈朕力之所致是賢佐之成功宜與王公共  
承斯貺思俾惠澤被於天下其改天平勝寶九歲爲天平寶字元  
年免天下田租之半本郡百姓給復一年己亥敕大學寮雅樂寮  
陰陽寮典藥寮內藥司置公廨田供給生徒

戊乾元

天平寶字二年日本史春二月詔曰隨時立制有國通規

議代行權昔王彝訓頃者民間宴集動有違僣或同惡相聚濫誹  
聖化或醉亂無節使致鬪爭自今以後王公已下供祭療病之外  
不得飲酒其朋友親戚欲相訪者先告官司然後集會如有犯者  
五位已上停一年祿六位已下解見任已外決杖八十冀淳風俗  
能成人善講禮平日防亂未然八月庚子朔讓位於皇太子羣臣

上尊號曰上臺寶字稱德孝謙皇帝

清仁天皇

唐書日本傳孝明死大炊立

案此云孝明死及下文大炊死證以日本史皆誤

宋史日本傳次大炊天皇年代紀

日本史廢帝諱大炊天武孫崇道盡敬皇帝舍人第七子也母夫人當麻氏天平寶字元年皇太子廢四月孝謙召羣臣議皇嗣右大臣藤原豐成中務卿藤原永手等推鹽燒王攝津大夫文室珍努左大辨大伴古麻呂等推池田王大納言藤原仲麻呂言知臣莫若君知子莫若父唯天意所擇孝謙曰宗室之長唯舍人新田部二親王故立道祖王為皇太子而不順教誠遂縱淫行是以廢之今宜擇舍人親王子然沿王推傳不修也田王孝行有嗣鹽燒王先帝嘗責其無禮大炊王雖未長壯過惡不聞宜立為嗣於是遣內舍人率中衛迎天皇於田村第立為皇太子秋八月庚子朔天皇受禪即位於太極殿時年二十六紫微內相藤原仲麻呂如故戊申追尊曰並知皇子命稱岡宮御宇天皇丁巳以明年運當三合敕使文武百官天下百姓老幼念誦摩訶般若波羅密甲子敕紫微內相藤原仲麻呂中納言石川年足等改易官制改太政官為乾政官太政大臣曰太師左大臣曰太傅右大臣曰太保大納言曰御史大夫紫微中臺為坤宮官中衛大將曰太尉是日以藤原仲麻呂為太保賜姓名惠美押勝十二月以唐安祿山反敕太宰府嚴海防

己二天平寶字三年日本史春正月渤海來貢夏五月敕諸國置常平倉六月詔追尊皇考曰崇道盡敬皇帝尊皇母當麻夫人曰

太夫人兄弟姊妹爲親王王子以將伐新羅敕太宰府造行軍式  
丁巳敕諸國置放生池嚴禁捕漁秋九月以征新羅敕諸國造戰  
艦五百艘冬十月京畿大風壞廬舍

庚上元天平寶字四年日本史春三月丁丑敕鑄新錢金錢銀錢

子元並行秋九月新羅朝貢以其失禮卻之

辛二天平寶字五年日本史秋七月辛丑遠江荒玉河隄決修築

之冬十月癸酉以右虎賁衛督仲石伴爲遣唐大使上總守石上

宅嗣爲副使己卯以修平城宮暫御保良宮詔免近江及左右京

太和和泉山背今年田租曲赦近江是歲五穀不登多飢死者

舊唐書日本傳上元中擢朝衡爲左散騎常侍鎮南都護

唐書日本傳上元中擢左散騎常侍安南都護新羅梗海道更繇

月越川胡貢

寅元天平寶字六年和漢年勢力大天皇與帝不和遣使長

飾

癸代宗廣天平寶字七年日本史春正月丙午渤海來貢庚申敕

卯德元太宰府曰唐國喪亂使命難通唐人沈惟岳等宜安置優給如懷

土願歸者給船發遣二月新羅遣使貢調卻之夏大旱五穀不熟

民多飢死五月廢儀鳳麻行大衍麻九月庚子朔敕曰疫死多數

水旱不時神火屢起耗損官物此國郡司等事神不恭之咎也一

旬亢旱致焦枯之憂數日霖雨抱流亡之嗟此國郡司等使民失

時不修隄堰之過也自今以後有若是者自目己上宜悉遷替不

使久居其職勞擾百姓更簡良材可速登用使拙者歸田賢者在

官各修其職無爲民憂癸卯以僧道鏡爲少僧都

甲二天平寶字八年日本史秋七月罷東海道節度使九月丙申

以太師押勝爲都督四畿內三關近江丹波播磨等國兵事使丙

午押勝謀反走據近江立道祖王兄冰上鹽燒稱帝日本國志上皇又寵僧道

鏡押勝妬嫉遂謀反敕從五位下藤原藏下麻呂將兵討之王子押勝鹽燒

伏誅餘黨悉平甲寅太上天皇下詔以僧道鏡爲大臣禪師職分

封戶一準大臣丙辰太上天皇敕押勝所改官名悉復其舊冬十

月乙丑廢放鷹司置放生司壬申太上天皇遣兵部卿和氣王左

兵衛督山村王外衛大將百濟敬福等率兵數百圍中宮院廢天

皇爲淡路公天皇惶遽不及衣履使者促之侍衛奔散從者僅兩

三人步至圖書寮西北與所生當麻氏至小子門乘以驛馬使右

兵衛督藤原藏下麻呂衛送配所幽之一院太上天皇重莅朝政

明年二月詔曰廷臣或有通心淡路謀復位者彼爲人昏愚不善

治履國家豈可再臨朝悔且此色淡路復位者彼爲人昏愚不善

於院中年三十三寶龜三年八月光仁帝遣從五位下三方王等

於淡路改葬設齋度僧永修功德九年三月敕墓稱山陵所生當

麻氏墓稱御墓置守陵一戶明治三年追諡曰清仁天皇

### 稱德天皇

唐書日本傳死以聖武女高野姬爲王

宋史日本傳次高野姬天皇聖武天皇之女也年代

案此方以稱德爲聖武女由記載疏略不知稱德卽孝謙也

日本史稱德天皇初傳位於廢帝受尊號既而廢帝深惡僧道鏡

常以爲言天皇不懌天平寶字六年自保良宮還平城宮天皇徙

居法華寺召五位已上於朝堂宣詔曰岡宮天皇皇統將絕朕以

女子奉皇太后命祇膺寶位行政日久立帝爲嗣而帝不恭不順

反成怨仇誣朕所不言以爲言之朕所不行亦爲行之朕之致此  
實由薄劣深自愧赧當發菩提心良緣在此故出家爲佛弟子但  
朝廷小事令帝行之國家大事賞罰二柄朕親決之八年冬十月  
壬申遣山村王宣詔曰頃歲帝德有闕不堪負荷大業且聞與藤  
原仲麻呂同心將圖朕躬竊謀發兵六千入關作亂故廢爲親王  
賜爵淡路公流船親王於隱岐池田親王於土左自是天皇重臨  
萬機右大臣藤原豐成如故甲戌敕禁天下諸國養鷹狗及鷄停  
不<sub>レ</sub>贊進肉魚又停中男作物用魚肉蒜等悉以他物易之但神戶  
非不念<sub>レ</sub>限丁丑宣詔曰百官所司僉謂當立皇太子以定鴻基朕  
而授力不<sub>レ</sub>憚眾之所推不必克終天所不與雖得必喪人不可得  
嗣天意所<sub>レ</sub>繼久而競天之所授自有其人朕非叨貪大寶不敢定

貞明白遵教奉承己卯敕曰朕忝臨萬邦軫慮一物昧且思治夕  
惕兢兢而賊臣仲麻呂昏凶狂悖作逆遭亡天網高張咸服誅戮  
朕念黎庶洗滌舊惡遷善自新宜大赦天下但仲麻呂黨與及常  
赦所不免者不在赦限又頃年水旱不得豐稔民或飢乏軍役仍  
興宜免天下今年租甲申敕赦京師見禁囚徒大辟以下但逆賊  
仲麻呂及淡路公船王池田王黨與不在赦限十一月乙巳罷西  
海道節度使是歲兵旱相仍米石千錢

乙<sub>元</sub>承<sub>泰</sub>天平神護元年日本史春正月改元二月甲子授刀衛  
爲近衛府始置內殿寮八月庚申朔參議兵部卿和氣王謀反伏  
誅參議式部大輔粟田道麻呂兵部大輔大津大浦式部員外少  
輔石川永年坐其黨遠竄九月更鑄新錢與舊錢並行冬十月辛

已淡路公薨閏月以大臣禪師道鏡爲太政大臣禪師詔使文武百官拜賀之是歲造西大寺鑄金銅四天王像

丙大曆  
午元

天平神護二年日本史秋七月遣使造丈六佛像於伊勢

大神寺冬十月壬寅置隅寺毗沙門像所見舍利於法華寺詔百官主典以上禮拜授太政大臣禪師道鏡法王位授大僧都圓興法臣位僧基眞法參議大律師癸卯敕嚮有所思發菩提心歸無上道因有靈示舍利三粒見於絨器數月感歎莫識所由朕聞麟鳳五靈王者嘉瑞至德之世史不絕書未見全身舍利如是顯形有感必通良有以也朕以虛薄兢懼歷年撫育乖方冰谷在惕豈思至道凝寂應微情而不眞圓性湛然結靈光而表質孤園絕跡久矣驚心雙林晚容爛然滿目玄珪綠字何以同年西法東流知在茲日畏荷希世之靈寶益司眾庶之歡心宜文武官六位已下加位一級

丁二  
未

神護景雲元年日本史春二月丁亥車駕臨太學釋奠夏四月

癸巳東院新殿成葺以琉璃瓦畫以藻績時人謂之玉宮秋七月始置內豎省八月乙酉參河言慶雲見召六百僧於西宮寢殿設齋癸巳詔改元

戊三  
申

神護景雲二年日本史夏五月敕曰入國問諱於禮有之頃

見諸司人奏名籍或不避國主國繼之名或取眞人朝臣爲字又用佛菩薩及聖賢之號每經聞見不安於懷其如此之類宜卽改換務從禮典秋七月敕崇孔子用文宣王諡

己四  
酉

神護景雲三年日本史春正月壬申法王道鏡居西宮前殿

大臣已下拜賀丙子天皇御法王宮宴五位已上八月從五位下和氣清麻呂以忤道鏡流於大隅

日本國志道鏡出入乘鑿輿服食擬王者政無巨細皆取決弟

官大納言一門敘五位者男女十人有廟祝阿曾麻呂媚道鏡矯  
八幡神語曰宜傳位於道鏡上皇命和氣清麻呂於宇佐廟詔之  
曰朕昨有夢汝宜往受神誨道鏡召見恍以禍福清麻呂出遇其  
友路豐永曰子此行所繫極大道鏡得天位當與子從伯夷游耳  
清麻呂曰吾死生以之使還奏神語曰我國家惟神  
承緒敢萌非望者速加誅戮道鏡大怒奪官當流  
冬十月乙未

朔詔賜羣臣紫綾帶兩端以金泥書恕字辛亥幸由義宮詔以由  
義宮爲西京河內國爲河內職十一月還宮

庚五 神護景雲四年日本史夏四月戊午先是藤原仲麻呂之亂

天皇發願造三層小塔一百萬至是塔成分置諸寺八月己巳天

皇崩於西宮寢殿日本國志道鏡進年五十三左大臣藤原永手

等議立大納言白壁王爲皇太子葬添下郡佐貴鄉高野山陵稱

高野天皇天皇尤崇佛道務恤刑獄勝寶之際政稱儉約自仲麻

呂誅道鏡擅權輕興力役務繕伽藍公私彫喪國用不足政刑日

峻殺戮妄加比初政頗多冤監云後世稱前朝曰孝謙天皇後朝

光仁天皇

唐書日本傳死白壁立

宋史日本傳次白壁天皇二十四年遣二僧靈仙行賀入唐禮五

臺山學佛法年代

案光仁在位十二年無二十四年

日本史光仁天皇諱白壁天智孫春日宮天皇施基第六子也母

紀氏以和銅二年十月乙未生天平九年敘從四位下天平寶字

三年敘從三位六年任中納言八年敘正三位天平神護元年授

勳二等二年爲大納言天平勝寶已來國家無儲貳人疑彼此罪

廢者多天皇深慮橫禍縱酒自晦故數免害神護景雲四年八月

稱德帝崩從四位上藤原百川與左大臣藤原永手右大臣吉備

眞備參議藤原宿柰麻呂藤原繩麻呂石上宅嗣近衛大將藤原藏下麻呂等定策禁中卽日以遺詔奉天皇爲皇太子六月丙午葬稱德天皇僧道鏡奉梓宮畱廬陵下庚戌貶道鏡爲造下野藥師寺別當辛亥流大納言弓削淨人其子廣方等於土左乙卯以河內職復爲河內國九月壬戌沙汰令外官允員甲子召還流人和氣清麻呂十月己丑朔皇太子卽位於太極殿時年六十二先是肥後連獻白龜詔改神護景雲四年爲寶龜元年大赦天下賑贍高年貧窮及孝義者免天下今年田租左大臣藤原永手右大臣兼中衛大將吉備眞備並如故十一月追尊皇考曰春日宮天皇皇兄弟姊妹諸皇子悉爲親王立妃井上內親王爲皇后乙酉敕宥先後逆黨

辛六寶龜二年日本史春正月立皇子池口親王爲皇太子秋九月罷左右平準署冬十一月遣使造齋宮於伊勢十二月追尊所生紀氏爲皇太后墓稱山陵置國忌

壬七寶龜三年日本史春正月渤海來貢以表文無禮卻之二月乙亥罷內豎署及外衛府三月皇后井上內親王坐巫蠱廢五月廢皇太子八月遣使淡路改葬廢帝

癸八寶龜四年日本史春正月戊寅立皇子中務卿山部親王爲皇太子三月以天下穀貴廷議定常平法遣使七道糶穀賑民其賤糶私稻者授位

甲九寶龜五年日本史春三月癸卯新羅使來責其無禮卻之丁巳敕罷員外國司秋七月敕陸奧鎮守將軍大伴駿河麻呂討蝦夷九月修諸國溝池冬十月蝦夷平

乙十寶龜六年日本史夏四月己丑廢后井上內親王卒庶人他

戶卒六月辛巳以正四位下佐伯今毛人為遣唐大使正五位上  
太伴益立從五位下藤原鷹取為副八月癸酉始設蓮葉宴庚辰  
先是敕京官祿薄不免飢寒之苦國司利厚自有衣食之饒因茲  
庶僚咸望外任多士曾無廉恥朕君臨區寓志在平分思欲割諸  
國之公廩加在京之奉祿至是太政官奏每國割公廩四分之一  
以益在京俸祿奏可

兩十寶龜七年日本史夏五月出羽志波村蝦夷叛發下總下野  
常陸等騎兵討之秋七月天下蝗十二月丁酉罷遣唐副使太伴  
益立以左中辨小野石根備中守大神未足代之

丁十寶龜八年日本史夏四月渤海來貢先是遣唐大使佐伯今  
毛人病不能行敕副使小野石根持節行大使事

戊十寶龜九年  
未四寶龜十年日本史春正月丙午渤海來貢三月辛亥遣唐副  
使大神未足等至自唐夏五月癸卯唐使孫興進等來丁巳饗唐  
使於朝堂授位賜物冬十一月太政官奏諸國正稅多欠負送納  
不給請停割諸國公廩加在京俸祿可之

庚德宗建寶龜十一年日本史春正月新羅來貢二月太政官奏  
申中元分官設職不在繁多宣風導民務於簡要是以制令之日限置官  
員量才授能職務不滯今官眾事殷尤食者多穀帛難生而用之  
不節一歲不登便有菜色古者人稠田少而有儲蓄由節用也今  
者地闢戶減而患不足由糜費也臣等以為當今之急省官息役  
上下同心唯農是務併省官員則倉廩實而禮義行國用足而廉  
恥興矣又奏方今諸國兵士率多羸弱徒免身庸不歸天府國司  
軍毅自恣驅役未習騎射唯事芻蕘以此赴戰是謂棄之請除三

關邊要之外隨國大小以爲額點殷富百姓才堪弓馬者專習武藝以應徵發其羸弱者皆令赴農此設守備省浮費之道也並許之丁亥陸奧言上治郡大領伊治些麻呂反殺按察使紀廣純蝦夷大亂癸巳以中納言藤原繼繩爲征東大使正五位上大伴益立從五位上紀古佐美爲副使從五位下大伴真綱爲陸奧鎮守副將軍從五位上安倍家麻呂爲出羽鎮狄將軍以討蝦夷九月以正四位下藤原小黑麻呂爲持節征東大使十二月甲午敕左右京今開造寺悉壞墳墓採用其石非唯侵驚鬼神實亦憂傷子孫自今以後宜加禁斷甲辰敕左右京無知百姓招致巫覡崇奉淫祀芻狗符書百方作怪託事求福頗涉厭魅宜嚴禁之

唐書日本傳建中元年使者真人與能獻方物真人蓋因官而氏者也與能善書其紙以繡而罕人莫識

西天應元年日本史春正月辛酉朔詔曰以天爲大則之者聖人以民爲心育之者仁后朕以寡薄忝承寶基無益萬民空歷一紀惠澤壅而不流憂懼交而彌積日愼一日念茲在茲比有司奏伊勢齋宮所見美雲正合大瑞彼神宮者國家所鎮自天應之吉無不利其大赦天下改元曰天應和漢年契奧賊悉平日本史夏四月辛卯禪位於皇太子十二月丁未天皇崩年七十二明年正月諡曰天宗高紹天皇葬廣岡山陵又諡光仁天皇延祿五年十月改葬田原陵天皇龍潛之時和光接物及正位南面臨馭億兆政舉大綱不在苛察官省無用化崇清簡是以寶龜之間四海晏如刑罪罕用遐邇欣戴可謂寬仁大度有君人之德矣又后二井上內親王聖武女高野氏和乙繼女出自百濟武密王子純陀太子夫人藤原曹子左大臣承手尾張女王湯原親王女縣犬養男耳島姬縣主毛人女子六井上生廢太

子他戶高野生桓武帝崇道天皇早良尾張女王生稗田親王縣  
犬養男耳生廣根諸勝僧開成失母氏

### 桓武天皇

宋史日本傳次桓武天皇年代紀

日本史桓武天皇諱日本根子皇統珍照尊初名山部王光仁長  
子也母高野氏本姓和氏乙繼之女其先出自百濟武寧王子純  
陀太子以天平九年生天皇天平寶字八年敘從五位下天平神  
護二年進位一階尋爲太學頭寶龜元年八月敘從四位下爲侍  
從十一月爲親王二年任中務卿三年五月皇太子廢羣臣奏定  
儲貳帝謂酒人內親王可立參議藤原濱成請立稗田親王參議  
藤原百川獨推天皇固請不已帝從之明年正月遂立爲皇太子

天應元年四月辛卯皇太子受禪即立時年四歲皇太子  
日清麻呂內大臣藤原魚名並如古王辰立皇弟東宮爲皇

太子癸卯詔尊所生夫人高野氏爲皇太夫人五月乙亥爲皇太  
夫人置中宮職十二月丁未太上天皇崩詔天下著服六月乃釋  
尋敕改限一年

壬三延麻元年日本史春正月葬光仁閏月因幡守冰上川繼謀  
反事覺流於伊豆三島貶黜其黨三十五人三月戊申從四位下  
三方王及其妻弓削女王正五位下山上船王同謀厭魅乘輿詔  
流三方王弓削女王於日向船王於隱岐秋七月庚戌公卿奏頃  
者災異薦臻妖徵仍見乃命龜筮驗徵其由神祇官陰陽寮並言  
方今天下素服依例祭祀故伊勢大神及諸神爲祟而陛下至孝  
欲終喪服神道誠有難誣恐致聖體不豫伏乞以社稷爲念爲除  
凶服愜神之意詔曰朕以霜露未變荼毒如昨方遂諒闇以申罔

極而羣卿再三執奏以宗廟社稷爲諭事不獲已一依來奏其諸國釋服者待赦使到乃釋不得飲酒作樂著雜彩八月辛亥朔百官釋服改天應二年爲延祿元年

癸四 延祿二年日本史夏四月甲子立夫人藤原乙牟漏爲皇后六月乙卯敕申禁京畿私造佛寺冬十月戊申敕禁富民出舉錢財貧民宅地爲質及京師諸寺貪求財利取宅爲質

甲興元 延祿三年日本史夏六月始置山城國長岡郡秋七月修山崎橋冬十月天皇徙長岡宮

乙貞元 延祿四年日本史夏五月詔曰臣子之禮必避君諱比者先帝御名及朕名公私觸犯自今以後並宜避諱於是改姓白髮部爲眞髮部山部爲山代八月乙卯盜射殺中納言藤原種繼丙辰敕搜捕賊黨惟鞠事連皇太子誅首惡左少辨大伴繼人斬疏其黨庚子廢皇太子幽於乙訓寺冬十月流皇太子於淡路道

丁巳立皇子安殿親王爲皇太子大赦天下

丙二 延祿五年日本史春正月造梵釋寺秋七月丙午太政官院成百官始就朝座冬十月改葬光仁渤海來貢

丁三 延祿六年日本史冬十一月遣大納言藤原繼繩郊祀天神於交野以光仁配

戊四 延祿七年和漢年契擊難波堀江建延祿寺日本史秋七月以參議中衛中將紀古佐美爲征東大將軍

己五 延祿八年日本史春正月敕大學寮諸學生年不滿二十不得任用夏四月征東大將軍紀古佐美伐奧賊六月敗績於衣河

十二月皇太夫人高野氏崩

庚六 延祿九年日本史冬十一月太政官奏蝦夷于紀久連王誅

大軍奮擊餘孽未絕坂東之國久苦戎役強壯者疲筋力貧弱者困轉餉而諸國百姓未被徵發普天之下同曰皇民至於舉事何不均勞請使京畿七道諸國司等不論土著浮浪王臣佃戶檢錄財堪造甲者所蓄物數及鄉里姓名上之奏可是歲畿內大饑辛七延麻十年日本史秋七月壬申以從四位下大伴弟麻呂為征夷大使正五位上百濟俊哲從五位上丹治比濱成從五位下坂上田村麻呂巨勢野足為副八月置畿內班田使

壬八延麻十一年日本史秋七月敕曰送終之禮須從省要如聞申豪富之室市廛之人猶競奢靡不遵典法妄結眾徒盛陳幡幢既窳之後酣醉而歸不翅耗數資財實有害於風教宜令所司嚴加禁遏八月辛卯大雨洪水癸巳行幸赤目崎觀洪水和漢年契敕

令學習集書

西延麻十二年日本史春三月己卯朔巡幸新京丁亥改攝津

職為國庚寅築新京宮城

甲十延麻十三年日本史秋八月右大臣藤原繼繩等修國史成奏上之冬十月辛酉車駕遷葛野新京丁卯征夷大將軍大伴弟麻呂奏捷十一月丁丑詔曰今此山背山河襟帶自然作城因斯形勝可制新號宜改山背國為山城國子來之民謳歌之輩異口同辭號曰平安京今宜從之日本國志即今西京

乙十延麻十四年

丙十延麻十五年日本史春三月庚戌敕諸國舉武技出眾者又子二延麻十五年日本史春三月庚戌敕諸國舉武技出眾者又敕禁京畿吏民男女混殺濫祭北辰夏四月渤海來貢秋八月敕諸國作地圖是歲勅東寺

丁十延麻十六年日本史春二月學士菅野真道等撰續日本紀

成上之十一月以從四位下坂上田村麻呂為征夷大將軍罷筑前國司隸太宰府

戊十四延麻十七年日本史春三月式部省奏請立春秋公羊穀梁二傳於學官許之冬十月己卯禁兩京畿內夜祭男女會飲歌舞

十二月渤海來貢

己十五延麻十八年

庚十六延麻十九年日本史春二月禁民輸錢求爵秋七月追號廢

太子早良為崇道天皇追復廢后井上內親王為皇后墓稱山陵

辛十七延麻十九年日本史春二月監試對策夏五月敕諸國設舟

楫浮橋以便貢調秋八月以從四位下藤原葛野麻呂為遣唐大

使從五位下石川道益為副九月征夷大將軍坂上田村麻呂奏

討平蝦夷日本國志蝦夷為日本別種即土人日本呼為毛人其

然卒叛服不常陸奧以北盡蝦夷地和銅初特置出羽國神龜間

又置陸奧鎮守府皆以備邊猶屢戕邊民及吏至光仁帝發諸道

兵征討遷延無功復令藤原小麻呂蕩平之及帝之初乃城多

賀營膳澤以扼地之要又從坂上田村之言招東國浮浪士四千

人戍之蝦夷遂來降由是帝設征夷大將軍以為鎮撫爾後遂為

霸朝幕府近三百年僅聚於奧北一島有口蝦夷與蝦夷之

稱維新後置北海道設官開拓今聞其種類僅存數千云

壬十八延麻二十一年

癸十九延麻二十二年日本史夏五月遣唐大使藤原葛野麻呂遭

風不得渡海還上節刀

甲二十延麻二十三年日本史春正月甲辰以從三位坂上田村麻

呂復為征夷大將軍三月復授遣唐大使藤原葛野麻呂節刀如

唐和漢年契僧空海最澄求法入唐

舊唐書日本傳貞元二十年遣使來朝留學生橘免勢學問僧空

海案僧空海當在學問上

海

海

唐書日本傳貞元末其王曰桓武遣使者朝其學子橘免勢浮屠

空海願畱肄業歷二十餘年使者高階真人來請免勢等還詔可

乙順宗永西貞元延麻二十四年日本史秋七月辛巳遣唐大使藤原葛

野麻呂等還自唐壬辰敕如聞疫癘之行民庶相忌不通水火父

子至親畏諱無近遂致死亡眾多宜喻所司悉心救療八月召入

唐僧最澄於殿上悔過讀經最澄獻所齋佛像九月召最澄修毘

盧遮那法冬十月寫大藏經薦崇道天皇冥福十二月召公卿議

政事得失停兵役營造減仕丁衛士隼人歌女仕女之數免伊賀

伊勢等二十一國今年庸

丙憲宗元戊和元延麻二十五年日本史春三月辛巳天皇崩於正寢年

七十諡曰日本根子皇統彌照尊又諡桓武天皇葬紀伊郡柏原

陵天皇天資好武自登宸極勵心政治大討蝦夷邊睡豎遷都

平安百世利賴初中院樓倒牛鳳死天皇歎曰朕生年在丑死不

利乎未幾不豫召皇太子特有所敕又召羣臣咨訪民瘼參議藤

原緒嗣言方今天下所苦在兵與土木請罷二者天皇善之乃從

停廢聞者莫不感歎又后藤原乙牟漏內大臣良繼女藤原旅子式部卿百川女

妃酒人內親王夫人藤原吉子右大臣是公女多治比真宗參議長野女藤原

小屎中部大輔鷺取女女御紀乙魚百濟教法橘常子兵部大輔島田麻呂女橘御

井子左中辨入居女坂上春子大納言田村麻呂女紀若子大納言船守女坂上又子左京大夫

新田麻呂女藤原上子大納言小藤原河子從四位上河上好外從五位下

部春人女百濟教仁從五位上武鏡女百濟貞香從四位下教德女藤原東子中納言種繼女

藤原南子中納言乙觀女中臣豐子正六位上大魚女橘田村子入居女多治比豐

繼百濟永繼正五位上飛鳥部柰止丸女子十六乙牟漏生平城帝嗟峨帝旅

子生滔和帝吉子生伊豫親王真宗生葛原佐味賀陽大德四親

王小屎生萬多親王坂上春子生葛井親王若子生明日香親王  
河子生仲野親王河上好生坂本親王教仁生太田親王豐繼生  
長岡岡成永繼生良峯安世

宋史日本傳遣騰元葛野與空海大師及延麻寺僧隆入唐詣天  
台山傳智者正觀義當元和元年也年代

案此卽和漢年契所云空海最澄求法入唐者也僧裔然所記  
年代亦不盡符合

舊唐書日本傳元和元年日本國史判官高階真人上言前件學  
生藝業稍成願歸本國便請與臣同歸從之

宋史日本傳元和元年遣高階真人來貢

### 平城天皇

唐書日本傳次諸樂位

宋史日本傳次諸樂天皇紀

案據日本諸史有平城無諾樂然則諾樂卽平城矣

日本史平城天皇諱安殿桓武長子也母皇后藤原氏以寶龜五  
年八月壬午生初爲親王名小殿延祿二年改今名四年皇太子  
廢十一月立爲皇太子二十五年三月桓武崩皇太子哀慟不能  
起參議近衛中將坂上田村麻呂春官大夫藤原葛野麻呂扶之  
遷東廂丙戌皇太子謂公卿曰奄丁酷疾若寘湯火今災眚頻見  
責深在予崇德消災著在前修內外臣工勤匡治道以輔不逮其  
近仗之甲盡從脫卻諸國關津宜停其守公卿言近仗著甲及固  
守關津往古恆制不唯今日報曰大行天皇聖德弘茂海內清平  
有何疑貳喪服加甲非所以枕伏草土攀慕哀號者也又固絕關  
津令人擁滯煩民害農無深於此宜下所司咸以開通己丑皇太

子猶御粥無餘味羣臣固請進膳從之夏四月葬桓武五月辛巳  
卽位於太極殿時年三十三改元大同追尊皇太后曰太皇太后  
皇后曰皇太后立皇弟神野親王爲皇太弟丁亥置六道觀察使  
六月辛丑追冊故妃藤原帶子爲皇后壬寅敕諸王及五位已上  
子孫十歲已上皆入太學分業教習秋七月甲辰公卿奏卽吉之  
後宜御新宮請豫營構之帝慮勞民力不聽

丁二 大同二年日本史春正月己酉勸課天下百姓植桑漆夏四  
月癸酉詔罷參議置觀察使己卯改近衛府爲左近衛府中衛府  
爲右近衛府秋七月聽畿內國守以下私佃八月甲戌頒憲法一  
十五條九月癸巳觀射於神泉苑詔停正月射禮移於是日壬子  
敕巫覡之徒妄說禍福庶民之愚仰信妖言淫祀斯繁厭呪亦多  
積習成俗虧損淳風自今以後宜一切禁斷若深崇此術濫濫  
革事覺之日徙於遠國所司知之不糾隣保圍而相容並准濫  
罪冬十月己巳停內豎隸左右舍人壬申公卿議奏國司交替限  
以四考宜以六歲爲限從之癸未中務卿伊豫親王謀反發覺遣  
左近衛中將安倍兄雄左兵衛督巨勢野足等率兵圍其第十一  
月乙酉幽伊豫親王於川原寺甲午以黨伊豫親王流大納言藤  
原雄友於伊豫罷中納言藤原乙叡貶北陸道觀察使秋篠安人  
爲造西大寺長官乙未伊豫親王賜死

戊三 大同三年日本史春二月辛巳詔曰朕孝誠有關奉親無從  
子 橋山崩心仰遺劍而已遠穀林茹恨望遊冠而何及況復春風動  
樹結蓼思於終天秋露霑叢貫棘心於畢地先帝及皇太后忌辰  
正當三月臨時興感何堪宴樂其停三日節從五位下齋部廣成  
上古語拾遺夏五月甲申衛門佐安倍眞直侍醫出雲廣貞等上

大同類聚方百卷丙戌以疫停馬射丙子停諸國貢相撲人辛卯  
詔曰朕以寡昧忝嗣丕基履薄如傷黔首之隱是恤馭奔若厲紫  
宸之尊非寧刻已思治勵精莅政而仁無被物誠未感天自從君  
臨咎徵斯應頃者天下諸國飢餒滋甚疫癘相尋多致夭折朕之  
不德眚及黎元撫事責躬怒焉疾首或恐政刑乖越上爽靈心渙  
汗煩苛下貽人瘼此皆朕之過兆庶何辜靜言念之無忘監寐詩  
不云乎民亦勞止汔可小康其飢疫諸國今年之調宜咸免除國  
司親巡鄉邑藥療營救兼令國分二寺轉讀大乘經一七日左右  
京亦宜遣使普加振贍庶幾爲善有效濟困窮於畝糧修德不虛  
返遊魂於岱錄務崇寬惠副朕意焉丁酉復置筑前國司秋七月  
壬寅廢衛門府併左右衛士府九月聽親王及觀察使已上并六  
衛府次官已上養鷹鷗冬十月丁丑制稽於前例大嘗散齋三月  
自今以後以一月爲限

己四 大同四年日本史春正月丁亥停七日十六日諸國獻珍味  
丑 壬申天皇不豫夏四月丙子朔讀經宮中及京師諸寺天皇寢膳  
寢不安是日傳位皇太弟徙御東宮上尊號曰太上天皇太上皇  
避病數處五遷之後宮於平城而事乖釋重政猶煩出尙侍藤原  
藥子甚被愛寵執事於內矯附百端其兄右兵衛督仲成恃勢驕  
恣太上皇并寵之不察其奸稍納藥子之說有再臨阼之意嗟哦  
帝竊嘗覺之是以卽位以來多以病不視事遂決遜位之策遣右  
大臣藤原園人奉神璽致之於太上皇太上皇不聽弘仁元年九  
月藥子矯太上皇旨擬遷都於平城以中納言坂上田村麻呂藏  
人頭藤原冬嗣從四位下紀田上等爲造宮使朝野咸驚嗟哦帝  
下詔聲藥子仲成罪太上皇大怒徵畿內及紀伊兵與藥子同興

赴東國諸司宿衛士皆從至於添上郡越田邑聞大軍邀前而眾  
自潰太上皇知事不可成還宮薙髮仲成伏誅藥子仰藥而死越  
前介阿倍清繼權少掾百濟愛筌等舉兵應太上皇帝以從五位  
下登美藤津任越前介清繼等不受代遂執藤津至是帝遣民部  
少輔紀南麻呂等勘問處清繼愛筌於遠流初難起中納言藤原  
葛野麻呂左馬頭藤原真雄固諫太上皇不納遂至於敗十二年  
太上皇就僧空海入壇灌頂帝王密灌始自此焉淳和帝時尊嗟  
哦帝曰太上天皇因稱太上皇曰先太上天皇太上皇遺書辭尊  
號減服御停諸司數矣其文必稱臣帝以其同上表封還不答天  
長元年七月甲寅崩年五十一諡曰日本根子天排國高彥尊葬  
添上郡楊梅陵稱曰平城天皇世稱奈良帝天皇識度沈敏躬親  
萬機克己勵精自撤煩費棄絕珍奇去令嚴整臺下肅然然生多  
猜忌殺伊豫親王子母逮治者眾嗣位之初未踰年而改元晚  
瀨內寵政自婦人世以譏焉又后藤原帶子式部卿妃朝原內親  
王大宅內親王尙侍藤原藥子中納言伊勢繼子木工頭高井藤  
子正五位下紀魚員從三位木子三藤子生阿保親王繼子生廢  
太子高岳親王巨勢親王

嗟哦天皇

唐書日本傳次嗟哦

宋史日本傳次嗟哦天皇年代

日本史嗟哦天皇諱神野平城同母弟也延麻五年九月癸巳生  
於長岡宮故事每皇子生以乳母姓爲之名天皇乳母姓神野故  
名焉桓武尤鍾愛之初爲親王二十二年正月敍三品歷中務卿  
彈正尹大同元年立爲皇太弟四年四月丙子朔平城因疾禪位

皇太弟固辭不聽戊子卽位於太極殿年二十四右大臣兼左近衛大將藤原內麻呂中納言兼右近衛大將坂上田村麻呂並如故己丑詔立皇姪高岳親王爲皇太子冬十月渤海來貢十一月甲寅太上天皇遣右兵衛督藤原仲成及田口息繼等造宮平城十二月乙丑太上天皇幸平城宮

庚五 寅 宏仁元年日本史夏六月太上天皇詔曰嚮置觀察使各委

一道而參議之寄望重守大歸任責成職非虛設宜罷觀察使復參議號封邑之制亦仍舊數秋九月癸卯太上天皇尙侍藤原藥子矯太上天皇敕擬遷都平城人心騷動丁未宮中戒嚴遣使守伊勢近江美濃三國府及故關詔暴藥子及其兄仲成等罪惡戊申大外記上毛野穎人從平城來告太上天皇今曉率兵入東國天

皇遣大納言坂上田村麻呂參議文室綿麻呂將兵邀美濃道又發兵守宇治山崎與渡市津仲成伏誅己酉太上天皇還宮薨

藥子仰藥而死庚戌廢皇太子立皇弟中務卿大伴親王爲皇太弟詔赦從太上天皇於東國者不問日本國志帝敕皇女有智子內親王爲加茂齋主禱與上皇輯睦齋院

始此 卯 辛六 宏仁二年日本史春正月以上殿舍人復爲內豎三月始令諸國進夷俘計帳夏四月正四位上文室綿麻呂爲征夷將軍從

五位下大伴今人佐伯耳麻呂坂上鷹養爲副

壬七 辰 宏仁三年日本史春二月行幸神泉苑覽花花宴節始於此夏六月令參議紀廣濱陰陽頭阿倍眞勝等十餘人讀日本紀從

五位下多人長講之秋九月辛巳敕曰怪異之事聖人不語妖言之罪法制非輕而諸國信民誑言或言及國家或妄陳禍福敗法

亂紀莫甚於斯宜令諸國嚴加檢察自今以後輒稱託宣者不論

男女隨事科決但神宣灼然其驗尤著者國司檢察依實言上

癸入 宏仁四年日本史春二月制損稼之年賑給土民而不及俘

囚自今以後俘囚亦預賑給三月太宰府言新羅人到肥前小近島土民與之戰殺獲百餘人夏五月敕治國之要在於富民民有其蓄凶年是防故禹水九年人無飢色湯旱七歲民不失業今諸國之吏深乖委寄或差役失時爲廢農務或專事侵漁無心撫字因此黎元失業飢饉相尋非緣災祲常告民飢年年賑給倉廩殆罄儻有災害何以相濟自今以後非有田業損害及疾疫等不得輒請賑給秋九月癸酉宴皇太弟於清涼殿享用漢儀丙子敕邊要之地外寇是防不虞之儲以糧爲重今大軍頻出儲糧悉罄遺寇猶在非常難測若無貯蓄如機急何宜以陸奧出羽兩國公廩混合正稅每年相換給信濃越後二國但年穀不登無物混合并有不可得公廩之人合隨狀移送依實相換停止之事宜待後勅冬十一月庚午敕夷俘之性異於平民雖從朝化未忘野心是以令諸國司厚加教諭而更乖朝旨不事存恤彼所披陳經日不理含愁積怨遂致叛逆宜令播磨備前備中筑前筑後肥前肥後豐前守介等申加教諭所訴之事早與處分其事不可輒決者言上聽裁若撫慰乖方令致叛逆及入京越訴者專當人等准狀科罪癸酉簡諸國介已上一人爲夷俘專當

甲九 宏仁五年日本史夏五月賜皇子皇女未爲親王者姓源朝臣詔曰朕當揖讓纂踐天位德愧睦邇化謝覃遠歲序屢換男女漸眾未識子道已爲人父辱累封邑空費府庫朕傷於懷思除親王之號賜朝臣之姓編爲同籍從事於公出身之初一敘六位唯前號親王不可更改同母後產猶復一列其餘如可聞者朕特裁

下公卿論奏恐後世有陛下卑枝葉之議也不報皇子賜源姓始於此五月禁國司恣改造館舍秋七月庚午敕畿內近江丹波等旱災之時令官長潔齋自祈雨立爲恆例

乙未宏仁六年日本史秋七月立夫人橘氏爲皇后己丑中務卿萬多親王右大臣藤原園人等上新選姓氏錄冬十月敕定婦人服飾乘車制十一月敕每歲孟冬奏斷死刑不得延及春月

丙申宏仁七年日本史春二月行幸嵯峨別館夏六月先是天皇受史記於外從五位下湧山文繼至是而畢因授文繼從五位下秋七月廢鑄錢司

丁酉宏仁八年

戊戌三宏仁九年日本史春三月壬寅公卿奏頃年水旱相繼損害不少請省減臣下封祿以資國用俟年豐稔卽復舊許之丙午詔朝會之禮常服之制拜跪之等不論男女一準唐儀五位己丑詔服諸朝服之色及衛仗之服皆依舊儀秋八月遣使諸國巡省詔朕以虛昧欽若寶圖撫育之誠無忘武步王風猶鬱帝載未熙咎徵之臻此焉特甚如聞上野國等境地震爲災水潦相仍人物凋損雖云天道高遠不可得言固應政術有虧致茲靈譴自貽民瘼職朕之由薄德厚顏愧於天下靜言厥咎實所興歎豈有民危而君獨安子憂而父不念者哉所以殊降使者就加存慰其有因震潦而居業蕩然者使等與所在官司同斟酌免今年租調并不論民夷以正稅賑恤助修屋宇使免飢露壓沒之徒速爲斂葬務盡寬惠之旨副朕迺瞻之心丙子令畿內及京戶租入停錢收稻九月詔曰受上天之命者其道貴於愛民處皇王之位者其功先於濟物用能屈己以從人欲修德以答靈心旰日勿休乙夜忘寢而

智不周物誠未動天至和有虧咎徵頻應比者地震害及黎元吉凶由人妖不自作或恐渙汗乖越方失眈心降茲厚譴以警勸歟畏天之戒不違靈處決之龜筮時行告咎昔天平年亦有斯變因以疫癘宇內凋傷前事不忘取鑒不遠竊惟佛旨冲奧大悲爲先理無微而不矜義無遠而不濟又祓除疾病抑有前典宜令天下諸國設齋屈僧於金光明寺轉讀金剛般若波羅密經五日兼遣使修禳除去不祥又畿內七道諸國上言宏仁八年以前租稅未納者一切停徵其左右京民租去年已往有懸負者不論上言不納者亦從原免庶幾冥道垂鑑塞患源於未流顯路提福拔疾根於將樹儻咎歸一己人無歿折欲移其災非志所避周文罪己實所仰止謂予不信有如曩日冬十一月辛巳朔鑄新錢文曰富壽

神寶和漢年契新羅貢驢

乙丑宏仁十年日本史春二月公卿奏曰頻年不稔百姓飢餓倉廩空盡無物賑稟窮民臨飢必忘廉恥臣等伏望遣使畿內實錄

富豪之貯借貸困窮之徒秋收之時依數俾償庶幾富者無失財之憂貧者有全命之歡許之三月敕曰倉貯已罄無物賑贍宜加借貸以救其急班給之法准賑給例冬十一月渤海來貢是歲敕

大納言藤原冬嗣中納言藤原緒嗣等修日本後紀

庚子三宏仁十一年日本史春二月丁丑改釋奠日用仲丁丙戌新羅人配遠江駿河者七百作亂二國發兵討之不克賊遂逃入海發相模武藏等七國兵討平之夏四月詔曰損上益下民慶無疆施舍已責王政所貴頃者水旱不適年穀不登家無京坻之儲戶有菜蔬之色一日餒乏事等三秋眷言思之情深恤隱其天下百姓所負租稅未納及調庸未進者左右京畿內宏仁十年以前七

道諸國九年以前並不論多少咸宜蠲除或未上言無由追徵并  
去年借貸貧民逋負未報者亦免之神寺之稻亦宜准此雖府帑  
未充國度多遺未有子富而父貧者務加撫恤稱朕意焉施行宏  
仁格十卷秋七月己酉敕曰去天平神護二年九月敕天下勸課  
百姓種大小麥今聞黎民之愚不自恤顧及至絕之更苦飢饉或  
耕種失時空費功力是國郡官司不慎格旨授時乖方之所致此  
而從政誰謂善吏月令云仲秋之月乃勸種麥母或失時其有失  
時行罪無疑自今以後始自八月專務播種宜勿失時冬十一月  
詔五位已上封祿復舊公卿表請復常膳

辛穆宗長

丑慶元 宏仁十二年日本史春正月定刑法斷例十條冬十一

月渤海來貢十二月復置畿內諸國博士醫師

壬二 宏仁十三年日本史春二月戊寅制五位已上高年者但賜

節祿不預朝會三月乙巳公卿奏曰臣聞洪範八政以食爲首帶

甲百萬非粟無守故先王制政務充倉廩往哲垂規期乎足食謹  
檢去天平神護二年敕書偁宜運近江國近郡穀五萬斛貯納於  
松原倉伏望准據舊例運近江緣江諸郡穀納穀倉院許之夏五  
月甲午詔閒者嘉雨不降炎旱淹旬走幣羣神圓然無感詩不云  
乎旱旣太甚憂心如熏朕并皇后服御物宜從省約是日公卿奏  
請復減五位以上封祿許之冬十一月詔神功不宰萬物樂其遂  
生聖德無外億兆悉其藏用故能光宅區宇經緯陰陽大庇生靈  
闡揚鴻烈朕以眇身忝膺司牧履薄乘奔常懷祗懼比有司奏偁  
今年十一月朔旦冬至終而復始得天之紀灰飛寒律節動微陽  
踐長之慶非無故實延祚之義抑有前聞朕之寡德何獨當之思  
與天下同享斯福其赦天下内外文武官主典已上敘爵一級史

生以下宜量賜物庶施恩榮於赤縣答露貺於蒼天布告遐邇知

朕意焉

癸卯 宏仁十四年日本史春三月丙辰朔割越前江沼加賀二郡

置加賀國日本國志嗟峨朝大國十三上國三十五中國十一下國九凡四等共六十九國於是古制一變而為郡縣

夏四月甲午天皇遷於冷然院御前殿引皇太弟親諭曰朕本諸

皇子也蒙太上天皇殊獎超登儲貳繼承鴻緒中間有小人之言

適失太上皇之歡累朕不德而朕赤心有如皦日朕以寡昧在位

十六年太弟賢明仁厚朕所固知年齒且與朕同念傳位於太弟

者久矣今即欲遂夙志宜知此旨皇太弟避席跪言臣以闇劣久

忝儲貳不幸有犬馬之病常恐不堪承祧屢語右大臣未遑上聞

今授臣以大寶心魂迷惑不敢奉敕天皇懇諭皇太弟遂即位是

為清和帝立正良親王為皇太子天皇使權中納言藤原三守齋

書辭之具式一同上表清和帝即令三守奉還其書乃上尊號曰

太上天皇天皇固辭不從秋九月幸嗟峨莊清和敕有司設御輿

仗衛天皇辭之帝苦請再三天皇唯御馬卻前驅兵仗天長十年

皇太子登阼是為仁明帝清和受尊號因稱天皇曰先太上皇承

和九年七月丁未崩於嗟峨院年五十七遺詔停太上皇之葬禮

親斟酌故事別為之制名曰送終其略曰夫葬者藏也欲人之不

得見也而周以棺槨隔以松炭期枯腊於千載畱久客於一壙已

乖歸真之禮實遺愚俗之嘆焉況生無堯舜之德死何煩國家之

費乎自古豐財厚葬賢者譏之故桓司馬石槨不如速朽然而楊

王孫羸葬亦所不忍為則漢魏二文是吾師也是以欲朝死夕葬

夕死朝葬作槨不厚覆之以席約以黑葛置於牀上斂以時服皆

用故衣莫更別制不加纏束著以牛角帶其餘衣衾飯含平生之

物一皆絕之擇山北幽僻不毛之地葬之穿坑淺深縱橫可容棺  
 矣葬限不過三日勿信卜筮勿拘俗事夜刻向葬地院中之人可  
 著喪服而給喪事挽柩者十二人秉燭者十二人並著麤布衣從  
 者不過二十人男息不在此限婦女一從停止棺既下不封不樹  
 令與地平均長絕祭祀但子中長者私置守冢而三年之後停之  
 天下吏民不得著服朝官諸司不可哀臨但服衰絰者七日過此  
 早釋擇其近臣出入臥內者又釋家之論不可絕棄三七七七各  
 麤布一百段周忌二百段以施於便寺追福佛布施細綿十屯裹  
以生絹置素機上  
 不可配國忌每年忌日於一寺聊令誦經而其事必終當今而休  
 他兒不效此若不從此是戮屍地下死而重傷魂而有靈則冤悲  
 冥途長為怨鬼他不在此制中者皆準制旨從事戊申定山陵以  
 商布二千段錢一千貫充葬費即日襄事稱曰差俄天皇又言  
 橘嘉智子清友女妃高津內親王多治比高子氏守女夫人藤  
 原產子藤原緒夏右大臣內  
麻呂女女御大原淨子正六位上  
家繼女百濟貴命  
鎮守將軍  
俊哲女更衣秋篠高子山田近子飯高宅眉尚侍百濟慶鎮守  
將軍  
教俊命笠繼子大原全子高階河子從四位上  
淨階女交野女王從五位  
上山口  
王女文室文子正五位下  
久我麻呂女廣井氏上毛野氏安倍楊津田中氏粟  
 田氏惟良氏長岡氏布勢氏當麻氏正六位上  
田麻呂女紀氏內藏氏甘  
 南備氏子二十一后生仁明帝秀良親王及瀉和皇后高津生業  
 良親王貴命生忠良親王基良親王高子生源清近子生源啟宅  
 眉生源常源明慶命生源定源鎮笠繼子生源生全子生源融源  
 勤廣井氏生源信上毛野氏生源宏穆津生源寬中氏生源澄粟  
 田氏生源安惟良氏生源勝長岡氏生源賢其源繼失母氏

日本源流考卷五終  
日本源流考卷六

臣王先謙撰集

淳和天皇

唐書日本傳次淳和

宋史日本傳次淳和天皇紀年代

日本史淳和天皇諱大伴桓武第三子嵯峨弟也母贈皇太后藤原氏延麻五年生初為親王二十二年敘三品任兵部卿大同三年遷治部卿宏仁元年轉中務卿九月立為皇太弟十四年四月庚子嵯峨傳位於皇太弟累辭不允壬寅立皇子恆世王為皇太子嵯峨之志也恆世王固辭於是立嵯峨之子正良親王為皇太子丁未詔曰詳觀列代緬鑑前王或因事以別名或乘時而異號太上天皇利見踐麻執象修機文教與鵬翼齊飛武功將日車並